

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Transport Minister Pu Vanlalhlana nimin khan chuan sorkar mamawh a hman a tan mimal motor hman a nih thin thu a sawi.
- 2. Health Minister Pi Lalrinpuii chuan Lunglei Ni hmangtu Lunglei mipui zawng zawngte chibai a buk tih a sawi.
- 3. Prime Minister Narendra Modi chuan nimin khan tunhnai a zalen taka insumdawntawwna inremna chuan kawngthar a hawng dawn tih a sawi.
- 4. Prime Minister Narendra Modi chuan nimin khan West Asia buaina chungchang ah Kuwait, Qatar leh Oman ram hruaitute a kawm.



TRANSPORT MINISTER

Transport Minister Pu Vanlalhlana nimin khan chuan sorkar mamawh a hman a tan mimal motor hman a nih thin thu a sawi.

Assembly thutkhawm neih laia zawhna leh chhanna hunah Pu Vanlalhlana chuan, Government of Mizoram Vehicle Outsourcing Policy 2019-in a phalsak angin, sorkar mamawh a hman atana mimal hman a nih thin thu leh he policy hi Motor Vehicle Act behchhan a duan ani lova, GAD in Notification a siam anga kalpui a ni tih a sawi a ni.



LUNGLEI DAY

Health Minister Pi Lalrinpuii chuan Lunglei Ni hmangtu Lunglei mipui zawng zawngte chibai a buk tih a sawi.

(Byte: Pi Lalrinpuii)

Lunglei Ni hi Lunglei Municipal Council (LMC) buatsaihin C. Thuamluaia Mualah vawiin hian hman a ni dawn a, thusawi leh zai bakah hnam lam te entir a ni ang.

(Thanghmingliana, Lunglei PTC)



DDK AIZAWL NEWS DIRECTOR

Champhaia cham mek DDK Aizawl News Director, Pu Nampibou chuan nimin khan Champhai DC Pu Mohammed Aaquib chu a office ah a lenchilh a. He hunah hian sawrkar hmalakna leh a puanzar kawnga thawhhona chungchang te bakah District hmasawna tur hrang hrang te an sawidun a ni.

Champhai DC hian Mizoramah Champhai chu khualzinte hip kawnga theihna nei tha berte zinga mi nia a hriat thu te, Horticulture lamah pawh Champhai chu Mizorama theihna nei sang tak a nih thu te a lo hrilh a. DDK News Director hian sawrkar hmalakna puanzar leh mipui zirtir kawnga a inhawn reng thu te a hrilh ve baw a ni.

Hemi hnu hian Champhai District SP Pu R. Lokeshwaran-R chu a pisaah hmu lehin ruihhlo dona leh an hmalakna hrang hrangte a sawipui a. Champhai SP hian ruihhlo do kawngah Champhai chu India rampum tan pawha hmun pawimawh a nih thu te, ruihhlo do kawngah hian drugs free village neih tuma hmalak a nih thu te a sawi a. Ruihhlo do kawnga Champhai District Police te hmalakna puanzar kawngah leh thehdarh kawngah te, ruihhlo ti lo tura mipui zirtir kawnga hmalak dan turte an sawidun bawk.

Hemi hnu hian DDK director hian Champhai Tlangsam-a Grape sawngbawlina(Winery) a tlawh baw a ni.

(Lalhluoia, Champhai PTC)



BUDGET

Kum 2026-2027 sorkar kum thar a Mizoram sum ruahman cheng vaibelchhe 17469 leh nuai 92 chungchang a tlangpuia sawihona nimin khan zawhfel a ni.

Assembly Session-a kum 2026-2027 Budget sawihona hunah House Leader Pu Lalduhoma chuan ZPM kaihhruai sorkar chuan leiba tha chi chu a tam thei ang ber puk zel an tum rualin a tha lo chi chu tihlem zel an tum a ti a, ZPM kaihhruai sorkar hnuah Open Market Borrowing (OMB) chu kumtin a la tlahniam ziah a, hei hi sorkar tha tehna a ni lo thei lo a ti a. Capital infrastructure-a an tih that avanga sorkar laipuiin incentive tam tak an pek chu an ti tha nge tha lo tih tehna tur nia a hriat thu sawiin, an tih that leh that loh chu sorkar laipui chuan a hre chiang ber a, lawmman hmu pha state zinga Mizoram sorkar a tel chu lawmawm a tih thu a sawi a, kuminah Surplus Budget an

pharh thei chu lawmawm a tih thu sawiin, a pumpuia an surplus na tur chu cheng vbc 392.99 a nih thu a sawi bawk a ni.

Pu Lalduhoma chuan tun financial year kal lai mekah COVID vanga siam SASCI atangin cheng vbc 865 leh nuai 75 bakah, incentive pali an dawng tawh a ti a, incentive dawng thei tur chuan state tin te chu fully compliance state an nih a ngai tih sawiin, sorkar laipui biak thata dawn theih chi a ni lova, an tih that avanga dawng an ni a ti a, India ram state 9 chauhin an dawn theih laia Mizoram a tel bakah India ram pumpuia 4-na a ni thei chu sorkar hnathawk te avanga a nih avangin an chungah lawmthu a sawi a ni.

Chief Minister, Finance changtu Pu Lalduhoma hian kum kal lai mek 2025-2026-a budget sum indaih lohna leh siamrem ngai dil belhna (supplementary demand for grants) cheng vaibelchhe 3,724 leh nuai 25, sing 2 sang 7 a pharh a, a hman nghal theihna appropriation bill chu House chuan lungrual takin a pawm a ni.

Corr: Maremi

<><><>

KOLASIB WATER SUPPLY SCHEME

Kolasib Water Supply Scheme (WSS) tih hmasawna leh tihchangtlun na tur 'Augmentation and Extension of Distribution System of Kolasib Water Supply Scheme pawm a ni tawh a, tih hmasawn zel tum a ni bawk.

Cheng nuai 601 leh sing 9 man hi AMRUT 2.0 hnuaiah pawm tawh a ni a. He scheme ah hian Kolasib Water Supply Scheme hi kawng hrang hrang a tih hmasawn tum a ni. Heng hian Main Reservoir atanga veng hrang hrang Zonal Tank a tui pekna line thlak leh tui pump-na khawl thar bun te, Water Treatment Plant a filter media thlak te, Kolasib khawchhunga Tuizem thar pakhat siam belh te, Khuangpuilam Tuizem a tui dah luhna pipeline tam zawk pipeline thara thlak te, Kolasib khawchhung veng hrang hrang a pipeline hlui tawh leh te lutuk te chu tihlen leh athar a thlak te a huam tel a ni.

(Andrew Vanlalauva, Kolasib PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

ONE STOP CENTRE

Lawngtlai DC, Pu Donny Lalruatsanga chuan tun hnai khan, Hmeichhe baihvaite tlukna One Stop Centre, College Veng, Lawngtlai a mi tlawhin, thawktute a kawm.

DC hi Pi J. Lalremkimi Centre Administrator leh thawktu dangten lo dawngsawngin, DC hian Office chung leh Centre a pindan pawimawh zualte a fang a, Centre Administrator leh thawktu dange chuan DC in One Stop Centre a tlawh chu lawmawm an tih thu sawiin, Centre dinhmun tlangpui DC hi an hrilh a, One Stop Centre Lawngtlai chu kum 2019 a din niin, Hmeichhe baivai 332 an lo enkawl tawh a, tun dinhmun ah thawktu 12 awmmeikin, buaiputur an neihdan a zirin, chhun leh zan danglam chuang lova an hna an thawh mai thin thu DC hi an hrilh a, tun dinhmun ah Centre kawtkai rualremlo chu siamthat an mamawh viau niin an sawia, he Centre a thawktute inpekna vangin Centre in a mamawh hrang hrang an lei thin thu te DC hi an hrilh bawk a ni.

(Lalnggheta Ralte, Lawngtlai PTC)

<><><>

CHAPCHAR KUT PREPERATION

Saitualah District Bawrsap Pu Srinivas Sadi kaihhruiin nimin khan Saitual District-a Chapchar Kut 2026 lawm dan tur rel a ni.

DC Conference Room-a thutkhawmah hian Chapchar Kut hman dan tur an rel tawh te thlir let a ni a, Saitual District-a Chapchar Kut hman pui ber chu March ni 13, chawhma dar 11-ah Saitual Vantlang Khelmual (Saitual Public Playground)-ah hman rel a ni a, Kut Pa atan Pu B. Lalchhanzova, Minister of State beisei niin, Kut Thlengtu atan District Bawrsap Pu Srinivas Sadi beisei a ni bawk. Chapchar Kut thupui atan Zonun Zemawi Inremna ni se tih rel a ni.

Chapchar Kut 2026 hman dan tur relnaah hian Office hrang hrang hotute, Town Area a VCP te, Sub Hqrs YMA, Sub Hqrs MHIP & District MUP aiawh bakah Town Area a Branch YMA aiawh leh thuthar thehdarhtu te an tel a ni.

(Rammawizuala, Saitual PTC)

<><><>

PM

Prime Minister Narendra Modi chuan nimin khan tunhnai a zalen taka insumdawntawna inremna chuan kawngthar a hawng dawn tih sawiin India thilsiamchhuah te pawh a quality ngaih pawimawh a that thu a sawi. Pu Modi chuan India chu Economy thang chak tak anih thu sawiin khawvelin beiseina sangtak a neih thu a sawiin, economy lam a hmasawna chuan India hmahlir Viksik Bharat tih hlawhtlinna atana kawng pawimawh tak a ni a ti

(NewsonAIR)

<><><>

WEST ASIA CONFLICT

Prime Minister Narendra Modi chuan nimin khan West Asia buaina chungchang ah Kuwait, Qatar leh Oman ram hruaitute a kawm.

Pu Modi chuan ram rorelna leh thuneihna bawhchhiatna chu a dem thu a sawi a, India mipuite himna ngaihtuah a an thlawp na ah lawmthu a sawi bawk. Pu Modi chuan remna leh muanna a awm thuai theihnana thawh ho a pawimawh zia a sawi bawk a ni.

(NewsonAIR)

<><><>